

【教育部新聞稿】(閩南語版音檔)

111 年教育部閩南語認證考試佇 4 月 11 開始報名

發布日期：111 年 4 月 8 日

發稿單位：終身教育司

承辦人：甘佩玉

電話/手機：02-77366812/0920-697756

E-mail：celinegan@mail.moe.gov.tw

新聞聯絡人：殷家婷科長

電話/手機：02-77366801/0936-617216

E-mail：iamedugirl@mail.moe.gov.tw

教育部 111 年閩南語語言能力認證考試，報名時間對今年 4 月 11 早起 9 點開始，到 5 月初 6 下晡 5 點，無限定身份，凡若對閩南語有興趣的，攞會當佇網路報名。報名費才 250 筮，19 歲以下的閣優待免祛錢。所有測驗的項目（聽、講、讀、寫 4 項）若攞考有齊著的，就通提著 1 份紀念品——多功能的細跤措仔。較早捌考過的這擺閣再來挑戰的，準若有才調閣加進步一級，另外猶有攢獎品等欲來相送，甲有遮好空的，較加嘛著緊猛相炆來去報。今嘛踏著這個流擺，為欲鼓舞咱爸仔母、老師佻學生囡仔，抑是家庭、社區、公司團體，通逐家相招歡喜來鬥熱鬧，凡若團體報名一團招有超過 20 个的，就有機會通閣提著限量的大禮喔。

為著欲配合全民防疫，今年的考試頭一擺拆做 2 工來考。A 卷佇 8 月初 6 考；B、C 卷佇 8 月初 7 考。雖罔咱這改的考試是分卷閣分做無仝工考，總是，考試的方式佻較早攞相閣，猶原 1 个人干焦會當報 1 卷爾，時到看咱欲考佻 1 卷，報名的時陣著愛較細膩小斟酌一下。

教育部對 99 年開始辦認證考試，到今報名總人數已經有 11 萬 1,985 人起起矣，整體的通過率，成數是超過 50%，若按這幾冬的報名資料來共看，對 103 年開始，逐冬報名的人額攞有 1 萬人以上，就準舊年疫情是蓋著力的時陣，毋過報名人數嘛是一下手就衝到 1 萬 8,662 人，是咱到今報名人數上濟的一冬，表示這馬有愈來愈濟人，肯欲接觸佻學習家己的母語。佇遮招咱逐家憲條緊來報名，向望未來有閣較濟的少年家，逐家攞通相佻鬥陣來學咱的本土語。

今年度考試的簡章咱會共刊佇認證考試的網站 (<https://blgjts.moe.edu.tw>)，敬請參考。若猶有其他考試相關的問題，才請聯絡承辦單位國立臺灣師範大學。服務專線：0800-699-566、(02)7749-3664；嘛有服務信箱：blg.sce@deps.ntnu.edu.tw。